

西南文學文獻

第六卷

中國西南文獻叢書

中國西南文獻叢書
第六卷
西南文學文獻

中國西南文獻叢書·第六輯

江苏工业学院图书馆
藏书章

西南文學文獻

第六卷

本卷目錄

丹淵集 下	〔宋〕文同著……………	一
東坡詞	〔宋〕蘇軾撰……………	三九

【宋】文同 著

丹淵集

下

《丹淵集》詩文別集，宋文同著。同字與可，自號笑笑先生，錦江道人，梓州永泰（今四川鹽亭東）人。宋仁宗皇祐元年（公元一〇四九年）進士。歷任邛州（今四川邛崃）、洋州（今陝西洋縣）等知州，元豐初出知湖州（今浙江），未到任而死，人稱文湖州。此處採用影印文淵閣《四庫全書》本，此本以明萬歷三十八年吳一標刻崇禎四年毛晉重修本爲底本，共四十卷，拾遺二卷，石室先生年譜一卷，附錄一卷。毛晉重修本爲浙江鮑士恭家藏。

欽定四庫全書

丹淵集卷二十六

宋 文同 撰

序

送趙大資再任成都府詩序

上五年秋七月丞相以成都守臣當更其所以宜往者
名氏陳于上前曰是其職序才業皆可以稱其任惟上
之所擇者上凝神久之且曰今海內之蕃域號為至重
者舉莫若吾之全蜀壤土銜沃民俗豐夥外之則八國

種落賴之以綏輯內之則四道郡邑倚之以康靖得人而重固異他所須智畧沈辯威惠肅給厭輿論之所與慰遐氓之所欲者始為其人矣我有耆哲宛在東土是嘗屢以仁愛明恕撫吾西南之民其民懷服其信厚逮今未聞有輒敢一日忘去者此將煩之再蒞于彼其謂往制無或循襲丞相奏被上旨乃曰聖慮所及度越常議選委良帥以遺并絡遠人蒙慶不勝至幸於是以資政殿大學士召公於營丘大旆過國詔趣見上眾悉謂

公輔臣必以遠解旣對便坐獨奉天語雍容啟問移漏
累刻惟以願得亟裝出都門并驛臨治以副上之所以
待下之意訖不以私請自免以圖便安遂行上褒嘉之
馳使勞諭眷委之厚無與爲較先是公二紀之中四臨
於蜀蜀人旣聞公來男諱於道女誰於室皆曰我之七
飭安於食而枕第樂於寢者不圖今日復因於我公矣
公旣至簡條目去苛暴剝滌梗垢磨澁昏瞽羣疑革而
冰消大擾息而波澄未逾月而梁岷之下晏然已爲樂

國矣同昔者嘗聞之於公曰夫感物患乎有心有心則
接于物也泥而不博臨理貴乎無欲無欲則燭於理也
明而不闇泯諸妄慮照以正見則天下之治安有所謂
齟齬而難致者哉蓋公素事於此以為身術故入居崇
廟出殿巨屏曾不以內外曰輕重而一以於其所無事
者為政治之本凡取知于君而獲愛於民者其將繇此
者歟同常欲有所論譏以紀公之休懿會赴官興元道
出門下公因授以送行詩一篇俾同為之序同乃述上

之所以復用公於蜀與公之所以得蜀人之歡心者題
其篇首詩自韓魏公而下凡若干章云熙寧六年上元
日謹序

送張學士知嘉州序

熙寧六年秋吾友張益孺自太常禮院求為嘉州既得
或謂余曰益孺少有才名向嘗以辭章冠國學多士遂
優中科等自召試入館凡若干年其踐歷亦已深矣方
朝廷急用賢者之時如益孺不補外被寵擢列華貫旦

暮期爾何遽求去以自緩邪余曰宣其然哉夫士之所
以恃而立于世者固在乎知此道而已矣命既存乎我
其所以用舍之者繫人之能否爾惟能常安於中以俟
時之所進退自信乃篤也或撓已以求合之雖上竊寵
榮以夸耀末俗其為賢者一付清議昧然已為賤丈夫
矣益孺脩正端潔治已有法度今欲使為賤丈夫者之
行其肯邪況漢嘉西南之美郡益孺以二千石於此侍
嚴君旦夕之膳其為人子豈不榮且樂歟以此較彼益

孺所獲其少歟彼將奚為哉初出都朝中士大夫亦有以益孺之行為可賀者皆以詩餞之凡若干首益孺視事之明日即走書興元求余為之序將刻之石故為言此八年上元甚美堂書

送朱郎中詩序

熙寧三年庚戌三月癸丑同自蜀還臺宿臨潼華清道館朱康叔引名見訪康叔昔守閬中以治稱同未嘗識之而嘗相通書也過於此尤自喜問其所以西行之因

康叔歆然謂同曰不肖不幸少與母氏相失及今五十年矣自省事始能得有告之者然終不能得知其所以歸逮冠游宦四方雖身居于此而其心未始輒少時不營營於彼期于母氏之見也去歲在廣德一日若有所感者遂解官決欲走天下冀萬一或遇之當先出函谷上雍宜有得道其迹髣髴殊可信乃斷葷血食剝臂鏤板寫篆佛書輦散於所經由道區區祈徹母氏之聽聞至此累日又言儻在金州者明日且復如南矣言罷涕

泣鳴嗚是時同亦新免削杖聞之摧咽不自勝起撫康
叔曰君尚有母求繫我無之奈何相與歔歔久之夜分
散去同輾轉至曉不得寐因口占百字詩送康叔謂其
精愿如此不獲之神理昧矣明朝上馬授之而別至京
未幾聞長安大尹錢公明逸表康叔于朝曰朱某鄉棄
官本繇尋其母今既得之馮翊矣宜還之舊秩且褒寵
之以勸激天下當時士大夫相逢遇誰然駭異稱嘆謂
非世之所有在昔亦無幾矣其秋康叔侍太夫人入都

都人逐板輿前後擁觀至所居閭巷談說抃蹈嗟咨至有感慨墮淚而不能自語者如是閱月而後已上嘉賞特召見復其官又封賜其母長安縣太君康叔請願且俸河中庶近母前所在慰之詔許於是好事者爭賦詩以贈行凡若干篇五年同守陵州康叔之子雒縣尉瞻之遣使致書授之大軸于前此詩也且曰大人昔求祖母時其端涯絕未知而公與之詩謂必得後果然瞻之將欲益以諸公所為刻傳之幸公復序之使明白同既

已高康叔之懿行又愛其子能章大其父之令名故為之云云以警當世之薄俗以貽史氏之願作佳傳者康叔名壽昌今為駕部郎中壬子中元平雲閣序

送敏行無演序

余於莊周書讀之有年矣愛其善騁高辯一盡乎天下事物有名相者性分之理輒嘗謂曰是雖有好為橫議之士於此固亦無地可以容其言矣後得僧肇法師四絕論因悟不遷不真之旨與無知無名之義漸簡邪惑

直領妙慧回視向之所嗜逍遙齊物之說何其說說者
哉其有高不可躡而深不可汲者竊常患之講師無演
自成都來為余設滅緣之梯引除妄之綆使余旁羊恣
肆造詣無極俛仰一息空色皆盡斯無演之力於余大
矣顧余所獲者何等物耶一日無演忽語余以西還之
期挽袂以留屢不能得遂書此以贈別且自見也熙寧
六年癸丑季冬甲申書

送通判張總之都官赴闕序